

閩侯縣志卷三十

倉儲

五代至宋

福州 都倉卽王審知所置西版倉舊在子城外熙寧二年拓豐樂門倉乃在子城內 省倉咸平四年始置 常平倉皇祐元年始置

元

福州路 義倉閩縣三十六所侯官三十八所懷安三十七所

明

福州府 常豐倉

閩縣 預備倉三所在光德里永樂五年設正統六年修官糴穀儲積於此遇歲歉發以賑饑豐年則抵斗還官後倣此

侯官縣 預備倉三所一在二都永樂五年置一在一都西禪浦正統五年置俱府城西一在常豐倉內成化十八年知府唐珣以縣之預備倉置

閩侯縣志

三十

倉儲

一

於外里艱於支收乃度常豐倉之隙地建之

舊懷安縣 預備倉二所一在府西南九都永樂五年置一在府城內華林寺前成化中建號曰南倉

清

福州府原設常平倉六座計十八櫓 福糧廳常平倉由府劃出大小廩口十二座 福防廳常平倉三座計三十櫓

閩縣常平倉二十座計六十櫓乾隆二十六年知縣祁焯四十五年知縣沈世雋嘉慶元年知縣王紹蘭十八年知縣言尙焜先後領項興修現照戶部則例額貯穀六萬一千三百九十三石九斗七升四合一勺府倉歸併穀六萬三千八十五石六升六合一勺有奇又南關外大有倉一座於嘉慶十四年倒壞未修復

侯官縣常平倉一十九座計五十七櫓乾隆三十九年知縣潘鳴謙嘉慶元年知縣畢所璫先後領項興修現照戶部則例額貯穀六萬八千六十

九石五斗八升七合一勺府倉歸併穀六萬三千八十五石六升六合一  
勺有奇

福州府新建義倉倉在慶城寺左道光十四年奏設